



Policija tokom uviđaja u noćnom klubu “Vila” u Nadiocima

Tri mjeseca nakon pucnjave u noćnom klubu “Vila”

Podignuta optužnica za ubistvo Zaima Kajmaka

Emir Tabaković iz Zenice, osim za ubistvo, tereti se i za izazivanje opće opasnosti i nanošenje teške povrede Nedžaduj Kajmaku

Kantonalni sud u Novom Travniku potvrdio je 8. januara optužnicu Kantonalnog tužilaštva Travnik, kojom se Emir Tabaković (22) iz Zenice tereti za ubistvo Zaima Kajmaka (50) iz Viteza i teško ranjavanje njegovog brata Nedžada (56) te Arnela Neslanovića (26) iz Busovače u pucnjavi koja se krajem septembra prošle godine dogodila u noćnom klubu “Vila” u mjestu Nadioci kod Viteza.

Mjera pritvora

Tabaković je optužen za ubistvo, izazivanje opće opasnosti, nanošenje teške tjelesne ozljede i nasilničko ponašanje. Tužilaštvo je zatražilo određivanje pritvora Tabakoviću pa je njegov spis dostavljen Krivičnom vijeću, koje će o tome donijeti odluku, saopćeno nam je iz Kantonalnog suda u Novom Travniku.

Podsjetimo, 27. septembra prošle godine, nakon fizičkog obračuna s jednom osobom izvan noćnog kluba “Vila”, Tabaković, koji je bio u alkoholiziranom stanju, vratio se za šank te ušao u konflikt s više osoba, među



Tabaković privođen u akciji “Svitanje”

njimai s braćom Kajmak.

Izvadio je pištolj i počeo pucati te ranio Nedžada Kajmaka i Arnela Neslanovića, dok je u pravcu Zaima Kajmaka pucao više puta.

Ranije privođen

Rezultati obdukcije, obavljene na Patološkom odjelu Javne ustanove Bolnica Travnik, pokazali su da je ubijeni Kajmak pogođen sa tri hica, dva u nogu i jednim uprsu.

Tabaković je odranije

dobro poznat policiji. U aprilu prošle godine privođen je tokom akcije “Svitanje”, zajedničke operacije MUP-ova Republike Srpske i Federacije BiH radi suzbijanja preprodaje narkotika. Osim toga, 2008. godine bio je u društvu brata Amara prilikom likvidacije Damira Imamovića (30), a privođen je i zbog sudjelovanja u pucnjavi ispred diskokluba “Ten” u Zenici u kojoj su ranjene dvije osobe.

D. PUCAR